

NÓSANNA IMEACHTA A BHAINNEANN LEIS AN mBEARTAS IOMAÍOCHTA A
CHUR CHUN FEIDHME

AN COIMISIÚN EORPACH

Réamhfhógra faoi chomhchruinniú

(Cás M.10934 – VINCI ENERGIES / KONTRON IT SERVICE COMPANIES)

Cás a d'fhéadfaí a chur faoin nós imeachta simplithe

(Téacs atá ábhartha maidir le LEE)

(2022/C 417/11)

1. An 21 Deireadh Fómhair 2022, fuair an Coimisiún fógra maidir le comhchruinniú atá beartaithe de bhun Airteagal 4 de Rialachán (CE) Uimh. 139/2004 ón gComhairle ⁽¹⁾.

Baineann an fógra seo leis na gnóthais seo a leanas:

- VINCI Energies S.A. (“VINCI Energies”, an Fhrainc), fochuideachta de chuid VINCI S.A. (an Fhrainc), máthairchuideachta deiridh VINCI Group.
- ocht gcinn de chuideachtaí seirbhíse TF Kontron AG, lena n-áirítear a bhfochuideachtaí díreacha agus indíreacha (“Kontron IT Service Companies”): Amanox Solutions AG (an Eilvéis), S&T Albania SH.p.k. (an Albáin), S&T Serbia d.o.o. (an tSeirbia), hamcos IT Service GmbH (an Ghearmáin), S&T Deutschland GmbH (an Ghearmáin), S&T Mold srl., (an Mholdóiv), CITYCOMP Service GmbH, (an Ghearmáin) agus S&T CEE Holding s.r.o., (an tSlóvaic).

Gheobhaidh VINCI Energies rialú aonair, de réir bhrí Airteagal 3(1)(b) den Rialachán um Chumaisc, ar Kontron IT Service Companies ina n-iomláine.

Baintear an comhchruinniú amach trí bhíthin ceannach scaireanna.

2. Is iad seo a leanas gníomhaíochtaí gnó na ngnóthas lena mbaineann:

- Is eagraíocht éagsúlaithe dhomhanda é VINCI atá gníomhach i lamháltais agus bonneagar, tógáil, oibreacha poiblí, innealtóireacht shibhialta agus fuinneamh. Laistigh de VINCI Group, tá VINCI Energies gníomhach freisin, trína líne bhranda Axians, i réimse na seirbhísí TF. Cuireann líonra cuideachtaí Axians seirbhísí TF ar fáil, amhail bonneagair néalríomhaireachta agus lárionaid sonraí, líonraí fiontair, spás oibre digiteach, feidhmchláir ghnó agus anailísíocht sonraí agus cibearshlándaíl.
- Tá Kontron IT Service Companies gníomhach i seirbhísí sainchomhairleoireachta a chur ar fáil maidir le bonneagar TF amhail lárionaid sonraí agus néalseirbhísí agus ceapadh coincheap saincheaptha líonra agus slándála TF le haghaidh bonneagar ar an láthair agus bonneagar néalríomhaireachta. Déanann Kontron IT Service Companies bonneagar TF agus feidhmchláir agus réitigh bogearraí a chur chun feidhme, a chomhtháthú agus a sholáthar chomh maith.

3. Tar éis réamhscrúdú a dhéanamh, is é cinneadh an Choimisiúin go bhféadfadh an t-idirbheart ar tugadh fógra ina leith a bheith faoi raon feidhme an Rialacháin um Chumaisc. Forchoimeádtar an cinneadh críochnaitheach maidir leis sin, áfach.

De bhun an Fhógra ón gCoimisiún maidir le nós imeachta simplithe i dtaca le láimhseáil comhchruinnithe áirithe faoi Rialachán (CE) Uimh. 139/2004 ón gComhairle ⁽²⁾, ba cheart a thabhairt faoi deara go bhféadfaí an cas seo a chur faoin nós imeachta a leagtar amach san Fhógra.

⁽¹⁾ IO L 24, 29.1.2004, lch. 1 (an “Rialachán um Chumaisc”).

⁽²⁾ IO C 366, 14.12.2013, lch. 5.

4. Iarrann an Coimisiún ar thríú páirtithe leasmhara aon bharúlacha a bheadh acu maidir leis an oibríocht atá beartaithe a chur faoi bhráid an Choimisiúin.

Ní mór na barúlacha a bheith faighte ag an gCoimisiún tráth nach déanaí ná 10 lá tar éis dháta foilsithe an fhoilseacháin seo. Ba cheart an tagairt seo a leanas a lua i gcónaí:

M.10934 – VINCI ENERGIES / KONTRON IT SERVICE COMPANIES

Is féidir barúlacha a sheoladh chuig an gCoimisiún le ríomhphost, le facs nó tríd an bpost. Baintear úsáid as na sonraí teagmhála thíos:

R-phost: COMP-MERGER-REGISTRY@ec.europa.eu

Facs +32 22964301

Seoladh poist:

European Commission
Directorate-General for Competition
Merger Registry
1049 Bruxelles/Brussel
BELGIQUE/BELGIË
